

Resolución do 8 de setembro de 2020, da Xefatura Territorial de Celeiro-Lugo, pola que se convoca o proceso selectivo para o acceso ao permiso de explotación, modalidade de marisqueo a pé, para o exercicio da actividade extractiva na Agrupación de mariscadores de San Cosme de Barreiros.

• **Antecedentes.**

1. A Orde de 20 de decembro de 2018 aprobou o Plan xeral de explotación marisqueira para o ano 2019 e de conformidade co expediente de aprobación do plan de explotación de moluscos bivalvos e gasterópodos a pé en libre marisqueo da Agrupación de mariscadores de San Cosme de Barreiros (PE403A 2018/1-2) indicábase que para o ano 2019 mantense o número máximo de 6 permisos que poderían participar neste plan.

2. De acordo co punto 1 da disposición transitoria primeira do Decreto 153/2019, do 21 de novembro, polo que se regula o réxime de conservación e explotación dos recursos marisqueiros e das algas, o dito plan prorrógase ata o 31.12.2020.

3. O 15.07.2020, os biólogos da Xefatura Territorial de Celeiro emiten un informe sobre a adopción de determinadas medidas de adaptación para este plan de xestión.

4. O 16.07.2020, esta xefatura territorial remitiulle á agrupación unha proposta para a adopción de medidas de adaptación no plan de xestión. Entre as medidas propostas figuraba a de cubrir a praza vacante presentes no plan, co que esta xefatura territorial, de acordo co artigo 17.2 do Decreto 153/2019, procedería a convocar un proceso selectivo para encher a dita praza ata acadar a cifra máxima de permisos establecidos.

5. A Xefatura Territorial de Celeiro-Viveiro non recibiu ningunha alegación da Agrupación de mariscadores de San Cosme de Barreiros, polo cal se entende a conformidade da mesma coas medidas de adaptación propostas.

6. O 04.09.2020 esta xefatura territorial resolveu adoptar determinadas medidas de adaptación do plan de xestión de moluscos bivalvos e gasterópodos a pé en libre marisqueo da Agrupación de mariscadores de San Cosme de Barreiros.

• **Consideracións legais e técnicas.**

1. O artigo 17.1 do Decreto 153/2019, do 21 de novembro, polo que se regula o réxime de conservación e explotación dos recursos marisqueiros e das algas establece que os plans de xestión establecerán o número máximo de persoas e/ou embarcacións participantes, polo que a tales efectos de acordo co artigo 17.2, a xefatura territorial correspondente incrementará anualmente o número de participantes no plan ata o máximo establecido.

2. A Orde do 15 de xullo de 2011, pola que se regula o permiso de explotación para o marisqueo a pé, regula no artigo 6 e seguintes o procedemento para a obtención do permiso de explotación.



3. Todas as solicitudes que cumpran os requisitos sinalados nesta resolución serán valoradas de acordo co baremo aprobado pola Resolución do 12 de novembro de 2013, da Dirección Xeral de Desenvolvemento Pesqueiro.

Esta xefatura territorial é o órgano competente para o outorgamento dos permisos de explotación de conformidade co establecido no Decreto 425/1993, do 17 de decembro, polo que se refunde a normativa vixente sobre o permiso de explotación para exercer a actividade pesqueira e marisqueira, modificado polo Decreto 114/2007, de 31 de maio, e polo Decreto 48/2013, do 7 de marzo.

De acordo con todo o anterior,

RESOLVO:

Convocar o proceso selectivo para a obtención dun permiso de explotación, modalidade de marisqueo a pé, para o exercicio da actividade extractiva no ámbito territorial do plan de explotación de moluscos bivalvos e gasterópodos a pé da Agrupación de mariscadores de San Cosme de Barreiros, con suxeición ás bases da convocatoria recollidas no anexo A.

Contra esta resolución, que non esgota a vía administrativa, poderase interpoñer recurso de alzada ante a persoa titular da Consellería do Mar no prazo dun mes a contar dende o día seguinte ao da súa notificación, de conformidade co disposto nos artigos 121 e 122 da Lei 39/2015, do 1 de outubro, do procedemento administrativo común das Administracións Públicas

Esta resolución notificaselle á Agrupación de mariscadores de San Cosme de Barreiros consonte ao artigo 40 e seguintes da Lei 39/2015, de 1 de outubro.

O/A Xefe/a territorial
Pablo Ramón Fernández Asensio



ANEXO A

Bases da convocatoria.

1. Normas xerais.

1.1. O obxecto do proceso selectivo será o outorgamento de (3) permisos de explotación, modalidade marisqueo a pé, para o exercicio da actividade extractiva no ámbito do plan de explotación de moluscos bivalvos a pé da Agrupación de mariscadores de San Cosme de Barreiros.

1.2. Requisitos das persoas candidatas.

Para seren admitidas ao proceso selectivo as persoas aspirantes, de ambas dúas quendas, deberán, consonte ao artigo 17º do Decreto 425/1993, do 17 de decembro, cumprir no día de finalización do prazo de presentación de solicitudes e manter ata o momento da expedición do permiso de explotación os seguintes requisitos:

- a) Estar empadroada nun concello do litoral de Galicia.
- b) Ser maior de 18 anos ou menor emancipada e non superar a idade exixida para ter dereito á pensión de xubilación, na súa modalidade contributiva, conforme o previsto na normativa en materia de Seguridade Social.
- c) Non ser perceptora de pensións de xubilación, grande invalidez, incapacidade permanente absoluta, incapacidade permanente total, en favor de familiares ou perceptora da renda de integración social de Galicia. As perceptoras da renda de integración social en Galicia poderán acceder ao proceso de selección, debendo renunciar a ela no momento do outorgamento do permiso de explotación.
- d) Non estar incapacitada para exercer os labores de marisqueo.

1.3. Solicitudes, documentación, prazo e lugar de presentación.

1.3.1. Lugar de presentación.

As persoas interesadas dirixirán a súa solicitude á Xefatura Territorial de Celeiro-Viveiro, empregando o modelo que figura como anexo II da Orde do 30 de decembro de 2015 e que tamén estará a disposición de xeito actualizado na guía do cidadán da páxina web <http://www.xunta.gal>

As solicitudes e a documentación acreditativa, deberán presentarse preferiblemente por vía



electrónica a través do formulario normalizado dispoñible na sede electrónica da Xunta de Galicia (<https://sede.xunta.es>) de acordo co establecido nos artigos 27 da Lei 11/2007, do 22 de xuño, de acceso electrónico dos cidadáns aos servizos públicos e 8 da Lei 4/2019, do 17 de xullo, de administración dixital de Galicia.

Opcionalmente, tamén se poderán presentar en soporte papel en calquera dos lugares e rexistros establecidos no artigo 16 da Lei 39/2015 de 1 de outubro, do Procedemento Administrativo Común das Administracións Públicas utilizando o formulario normalizado dispoñible na sede electrónica da Xunta de Galicia.

1.3.2. Prazo.

O prazo para a presentación das solicitudes será de quince (15) días hábiles, contados dende o día seguinte ao da publicación desta convocatoria no taboleiro de anuncios desta xefatura territorial e na páxina web <http://www.mar.xunta.gal>.

Esta convocatoria tamén estará exposta, con carácter informativo, no taboleiro de anuncios da Xefatura Territorial de Celeiro-Viveiro e da Agrupación de mariscadores de San Cosme de Barreiros.

A falsidade dos datos esenciais para a selección das persoas aspirantes dará lugar á súa exclusión automática do proceso selectivo.

1.3.3. Documentación

Xunto coa solicitude presentarase:

- a) Xustificante de ter aboado as taxas correspondentes. A presentación do xustificante do ingreso das taxas sen o selo da entidade bancaria con indicación da data determinará a exclusión da persoa aspirante. En ningún caso a presentación deste xustificante suporá substitución da presentación en tempo e forma da solicitude. Non será necesario presentar este documento se o pago da taxa se realizou de forma telemática.
- b) Copia compulsada do documento nacional de identidade. Esta copia só se presentará no caso de non acreditar consentimento expreso para comprobar os datos de identidade mediante consulta ao sistema de verificación de datos de identidade, de acordo co Decreto 255/2008, do 23 de outubro, polo que se simplifica a documentación para a tramitación dos procedementos administrativos e se fomenta a utilización dos medios electrónicos, e a Orde do 7 de xullo de 2009, pola que se desenvolve o antedito decreto.
- c) Copia compulsada da documentación que acredita cada un dos aspectos que se van a valorar segundo o baremo aprobado pola Resolución do 12 de novembro de 2013, da Dirección Xeral de Desenvolvemento Pesqueiro pola que se aproba o baremo para obter o permiso de explotación a pé:



c.1) Demandante de emprego:

- Informe actualizado dos períodos de inscrición do servizo público de Emprego acreditando o tempo que estivo inscrito como demandante de emprego, expedido pola oficina de emprego xunto co Informe actualizado da vida laboral, expedido polo Instituto Social de la Marina ou pola Tesorería Xeral da Seguridade Social (á data de resolución da convocatoria ou posterior).

Non será necesario presentar a documentación de este apartado, en caso de autorización á Consellería do Mar para a consulta destes datos.

c.2) Formación:

- Actividades de formación: Copia compulsada dos diplomas, acreditacións ou certificados de asistencia a cursos, seminarios e xornadas ou asimiladas inscritas no catálogo de actividades formativas recoñecidas para o baremo do marisqueo a pé (dispoñible na páxina web <http://www.mar.xunta.gal>) na data da convocatoria. Unicamente se valorarán as actividades formativas que estean finalizadas na data de publicación da convocatoria.

- Titulación académica: Copia compulsada da titulación académica.

c.3) Empadramento nun concello situado no ámbito territorial da Agrupación de mariscadores de San Cosme de Barreiros, durante un período mínimo de 1 ano anterior á data da convocatoria.

Certificación actual de empadramento no que conste a antigüidade. Este documento só se presentará no caso de non acreditar consentimento expreso para comprobar os datos de residencia mediante consulta ao sistema de verificación de datos de residencia, de acordo co Decreto 255/2008, do 23 de outubro, e a Orde do 7 de xullo de 2009.

d) Declaración responsable de que cumpre os requisitos esixidos no artigo 17 c), e), f) e g) do Decreto 425/1993, do 17 de decembro (incluída no modelo de solicitude). As persoas perceptoras da renda de integración social poderán acceder ao proceso de selección, e deberán renunciar a ela no momento do outorgamento do permiso de explotación.

1.5. Emenda da solicitude.

A Xefatura Territorial de Celeiro-Lugo, como órgano responsable da tramitación e resolución das solicitudes, comprobará que estas reúnen os requisitos establecidos. De non ser así, requiriráselle á persoa interesada, para que nun prazo de (10) días hábiles a emende, con indicación de que se así non o fixese se lle terá por desistida da súa petición logo de resolución expresa.

A notificación do requirimento, por tratarse dun acto integrante dun procedemento de concorrencia competitiva e de conformidade co establecido nos artigos 42, 43 e 45 da Lei 39/2015 de 1 de outo-



bro, poderá realizarse mediante publicación no taboleiro de anuncios desta xefatura territorial e na páxina web <http://www.mar.xunta.gal> e producirá os mesmos efectos que a notificación individualizada. Esta publicación tamén se realizará, con carácter informativo, no taboleiro de anuncios da Agrupación de mariscadores de San Cosme de Barreiros.

2. Proceso selectivo.

As solicitudes, que cumpran os requisitos establecidos, serán admitidas ao proceso selectivo e serán valoradas consonte ao baremo aprobado pola Resolución do 12 de novembro de 2013, da Dirección Xeral de Desenvolvemento Pesqueiro.

Unha vez baremadas as solicitudes, a xefatura territorial publicará unha relación provisional de persoas admitidas indicando a puntuación acadada por cada unha delas. Nesta relación recolleranse as persoas excluídas do proceso e as causas de dita exclusión.

Esta resolución publicarase no taboleiro de anuncios desta xefatura territorial e na páxina web <http://www.mar.xunta.gal>. A resolución tamén se exporá, con carácter informativo, no taboleiro de anuncios da Agrupación de mariscadores de San Cosme de Barreiros.

Contra esta relación provisional, as persoas interesadas poderán presentar, perante a xefatura territorial, cantas alegacións estimen oportunas durante un prazo de (15) días hábiles contados desde o día seguinte ao da publicación desta relación provisional.

O feito de figurar na relación de admitidos/as non prexulga que se lles recoñeza ás persoas interesadas a posesión dos requisitos esixidos no procedemento que se convoca. Cando da documentación que debe presentarse, no caso de superar o proceso selectivo, se desprenda que non posúen algún dos requisitos, as persoas interesadas decaerán en todos os dereitos que puideren derivar da súa participación no procedemento.

3. Listaxe de persoas seleccionadas, presentación de documentación e concesión de permiso de explotación

3.1. Listaxe de persoas seleccionadas.

A cualificación do proceso selectivo virá determinada pola suma das puntuacións obtidas nos distintos conceptos baremables.



No suposto de empate nas puntuacións de dous ou máis aspirantes, este resolverase consonte ao baremo aprobado pola Resolución do 12 de novembro de 2013, da Dirección Xeral de Desenvolvemento Pesqueiro.

Unha vez finalizado o prazo de presentación de alegacións e unha vez analizadas estas, a xefatura territorial ditará unha resolución, coa relación definitiva das persoas que superaron o proceso selectivo, por orde de puntuacións acadadas, con indicación do seu documento nacional de identidade, así como aquelas que non o superaron.

A lista de persoas non seleccionadas constituirá unha lista de reserva que terá unha vixencia dun (1) ano contado desde o día seguinte ao da data da resolución da xefatura territorial.

A resolución coa relación definitiva publicarase no taboleiro de anuncios desta xefatura territorial e na páxina web <http://www.mar.xunta.gal>. A resolución tamén se exporá, con carácter informativo, no taboleiro de anuncios da Xefatura Territorial de Celeiro-Lugo e da Agrupación de mariscadores de San Cosme de Barreiros.

3.2. Presentación da documentación.

A partir do día seguinte ao da publicación da relación definitiva, as persoas que superaron o proceso selectivo disporán dun prazo de (15) días hábiles para a presentación dos seguintes documentos:

a) Certificado de estar empadroada nun municipio do litoral de Galicia. Esta documentación non será necesaria que se presente no caso de consentimento expreso da persoa para comprobar os datos de residencia mediante consulta ao sistema de verificación de datos de acordo co Decreto 255/2008, do 23 de outubro, e a Orde do 7 de xullo de 2009.

b) Certificado da Seguridade Social de non ser perceptora de pensións de xubilación, grande invalidez, incapacidade permanente absoluta, incapacidade permanente total, en favor de familiares ou perceptor da renda de integración social de Galicia. As persoas perceptoras da renda de integración social deberán renunciar a ela.

Non será necesario en caso de autorización á Consellería do Mar para a consulta destes datos.

c) Documentación acreditativa de non estar incapacitada para exercer os labores de marisqueo.

d) Dúas fotografías de tamaño carné actuais e iguais, co seu nome escrito por detrás.

As persoas que dentro do prazo fixado non presentasen a documentación ou do exame dela se deducise que carecen dalgún dos requisitos sinalados na base 1.2, entenderase que desisten da súa solicitude.

Neste suposto, emitirase unha nova resolución consonte aos prazos e forma recollidos nos parágrafos anteriores, declarando seleccionada/s a/as persoa/s que figuren na lista de reserva.



3.3. Outorgamento do permiso de explotación.

De acordo co disposto no Decreto 425/1993, do 17 de decembro e a Orde do 30 de decembro de 2015, as persoas seleccionadas que presentaron a documentación dentro do prazo establecido deberán cumprir cos seguintes requisitos para a obtención do permiso de explotación:

- a) Estar en posesión do permiso do certificado de mariscador.
- b) Non ter sancións firmes en vía administrativa en materia de protección de recursos mariños, pendentes de pagamento.

A xefatura territorial ditará resolución concedendo ou denegando o permiso de explotación para o marisqueo a pé, conforme ao establecido no artigo 6 do Decreto 425/1993, do 17 de decembro de 2013.

